



## Բասիլայել Պատկանյան

### Մի՛ կարծեք, որ ես . . .

Մի՛ կարծեք որ ես սին փառքի համար,  
Իմ հառաչանքով լրցրի հայ աշխարհ .  
Այս հեգ ամբոխի ծափին ու գովքին  
Կարոտ չէր բընավ իմ հրպարտ հոգին . . .

Այո՛, իմ քնարի տըխուր ձայները  
Ցընցեցին հայի հոգու լարերը,  
Արյուն էլ ազնիվ սրբտե քամեցին,  
Կըտրիճի աչքե քունը փախուցին:

Ինչո՞ւ . չգիտեմ: Ասե՛ք, հե՞ր բարդ-բարդ  
Բացվում է գարնան կարմիր, հոտոտ վարդ,  
Լեռնիվայր ինչո՞ւ անուշ կարկաչով  
Վազում է առուն դալարի միջով:

Ջեփյուղ ինչո՞ւ տերև-տերև  
Անցնելով, ասես, տալիս է բարև,  
Ինչո՞ւ սոխակն էլ մոտ կանաչ թըփին  
Անմըռունչ ձայնում է յուր մեղեդին . . .